

52685/1P

TENTAMEN MEDICUM
INAUGURALE,
DE
ULCUSCULIS VENEREIS.

QUOD,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, S. S. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto,

PRO GRADU DOCTORIS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

SNOWDENUS WHITE,
BRITANNUS.

Prid. Id. Septemb. hora locoque solitis.

EDINBURGI:
Apud BALFOUR, AULD, et SMELLIE,
Academiae Typographos.

M,DCC,LXIX.

316840

SNOWDENO WHITE, M. D.

PATRI SUO OPTIMO;

NEC NON

ALEXANDRO MONRO, M. D.

MEDICINAE ET ANATOMES

IN ALMA ACADEMIA EDINENSI

PROFESSORI EGREGIO;

PRIMUM HUNC STUDIORUM

FRUCTUM

MEMORI ANIMO,

D. D. C.

SNOWDENUS WHITE.

Digitized by the Internet Archive
in 2018

DISPUTATIO MEDICA

DE

ULCUSCULIS VENEREIS.

ULCUSCULA venerea, quibus nullus morbus, nulla pestis et ira deum, foedior, Stygiis sese extulit undis, tractaturus, ab aliqua definitione incipiam.

DEFINITIO.

ULCUSCULA venerea, propriae naturae exulcerationem ponunt. Quippe quae plerumque summam cutem occupent, exiguum rotundum cavum efforment, margine

2 DE ULCUSCULIS VENEREIS.

gine callosa cingantur, imaque albescen-
tis mucī speciem praebeant; sat certo non
tamen dignoscenda, nisi a labe venerea
provenisse sit compertum.

MORBI HISTORIA.

Post coitum immundum, natu-
ralia, vel protinus, a veneno exesīs exi-
guorum vasculorum osculis, roduntur, et
in ulcuscula fatiscunt: Vel, quod consue-
tius est, pruritus circa pudenda ali-
quamdiu, citiusque aut tardius, pro ve-
neni vehementia, aut partis teneritudine,
prius per sentitur. Quae deinde sensum
varus ruber, acutus, pruriens, cum ca-
lore sequitur. Is exiguo in apice fora-
mine, humorem viscidum emittente, tan-
dem aperitur. Qui rursus humor mar-
ginem et fundum vari rodens, paulatim
ulcusculum margine callosa, albidī mucī
specie in imo apparente, cavo exiguo, te-
nax et viscidum pus effundente, ut supra
est

est dictum, efformat. Neque in naturalibus aut circa ea solum, sed, in aliis corporis locis quae illis non dissimilia fabrica sint, ut in papillis mammalariis, in labiis, in ore, in lingua, et faucibus, illa ulcuscula grassantur.

Si mitioris naturae virus est, aut exiguum solummodo parte receptum est, ulcuscula minora, minus alte sedentia, minus inflammata, aequalius rotunda, non multum marginibus callosa, et bonae notae pus emittentia, facile sanascunt. Contra, si idem illud acrius et pejus est, et magna copia parte laborante receptum est; tum ulcera numero plura, figurae inaequalioris, altiora, rubris, prominentibus, inflammatis et callosis marginibus, humorem malum et ichorosum profundentia et in fundo mucosa subfusca materie dense cooperta, cernuntur. Quod ubi fit, praesertim si ulcuscula, acrium escharoticorum frequentiore quam par est usu, irritata sunt, glans colis, et praeputium,

aut

4 DE ULCUSCULIS VENEREIS.

aut naturalium labia, nymphae, clitoris, et carunculae myrtiformes, inflammata intumescent.

HARUM partium tumores trium generum sunt. Si tumor dolet, rubet, et prementi digito facile cedit, quo remoto, facile etiam refurgit, ille inflammatus aut phlegmonoides adpellatur. Rursus, ubi neque dolet, neque rubet, neque calet, nec digito adpressus cito refurgit, et sero pellucente repletur, serofus aut oedematofus nominatur. Postremo, ubi doloris, caloris, et rubedinis expers, prementi digito prorsus resistit, durus seu fchirrofus nuncupatur.

ALIQUANDO praeputium tumescens ita arcte glandem totam obvolvens circumplectitur, ut id nulla ratione retrahi aut loco moveri possit, quod phymosis dicitur; atque ulcera ita obtecla reconduntur, ut vix quicquid extrinsecus iis admoveri, aut ipsa munda servari possint. Simul urina infra praeputium penetrans

trans glandem irritat, inflammat, et ulcera amplificat.

NEC raro praeputium intumescens, adeo pone coronam glandis in rugas arcte contrahitur, ut protrahi ad glandem tegendam nequeat; paraphymosis hoc vocatur.

IN utroque casu urethra, adstricto praeputio, coarctata, difficilem urinae transitum et dolore plenum reddit. Unde etiam partis inflammatio et tumor crescunt.

Ab iisdem tumoribus interdum aquosae crystallinae vesicae oriuntur, quae disrumpi solent, et ichorosam lympham profundere.

QUAE ubi fiunt, tanta inflammatio est, ut febrem concitet. Ipsa vero ulcuscula ampla, patula, inaequalia, immunda, ac tandem nigrescentis coloris, esse incipiunt. Quo facto, serpit gangraena et locum adflictum perdit. Quod quidem horum ulcerum, ubi tanquam partis
 morbus

6 DE ULCUSCULIS VENEREIS.

morbis habentur, summum fit periculum.

SOLUTIS iis tumoribus, atque ipsis ulcusculis sanatis, saepe tubercula dura, et quasi chordae, ulcusculorum vestigia occupantia, item verrucae venereae, supersunt. Quae quidem multum crescentes saepe phymoses et paraphymoses permanfuras creant.

VARIA praeterea post labem veneream in pudendis aut circa ea excrescunt. Quae, pro situ aut facie diversis, etiam diversa nomina sortiuntur; qualia pori, cristae, fici, morae, et mariscae, sunt. Omnia ea, si crescunt, si rubescunt, si calescunt, et dolorem jaculantem habent, verti in caneros periclitantur.

VERUM praeter ceteris extimescendi sunt inguinum tumores; utpote qui omnium incommodorum frequentissime ulcuscula venerea sequantur. Ii bubonum diro nomine, ipsi diri, vulgo adpellantur. Glandulae inguinales cum duritie primum, calore, rubore, inflammatione, et dolore,

dolore, intumescunt. Qui tumor, indies increfcens, tandem apicem mollem et prominentem, jam fuppuratis glandulis, edit. Sic incipiens crefcenfque tumor generis phlegmonoidis feu inflammati eft; facilifque vel folutu vel ad fuppurationem perductu eft. Contra, fi tarde crefcit, neque multum five calefcit, five dolet, five rubefcit, et impreffi digiti notam retinet, oedematofus erit. Quod, fi durities primum adparens, nil remollefcit, fed fine dolore, fine inflammatione permanet, fit tumor durus.

Ex his tumoribus duo posteriores difficile ad fuppurationem aut resolutionem perducuntur, et poft fe plerumque nucleos, eodem ubi ipfi fuerint loco, relinquunt. Qui nuclei, fi molles et mobiles permanent, metui effe vix debent. Idem, fi fixi dolent, crefcunt, et calent, aliquando in caneros mutantur.

Hi tumores raro aut nunquam fiunt, quin noxae venereae aliquid per vafa lymphifera in fanguinem evadat. Ex quo

8 DE ULCUSCULIS VENEREIS.

quo fonte omnia luis venereae, ut gutturis, oris, nariumque ulcera, in cute maculae, artuum ac membrorum dolores, caries ossium, postremo omnium actionum five vitalium, five animalium, quae dicuntur, affectus mali, promanant. Atque haec mala omnia mediis tumoribus nascuntur. Verum,

ABSQUE glandularum inguinalium tumoribus, interdum labes venenosa, absorbentibus accepta, in sanguinem protinus transit. Cujus mali prius latentis, sanguinisque infecti, primum signum dant gutturis et faucium ulcera, diversis temporum spatiis, pro majore aut minore noxae vehementia hominisque infecti robore, aut vitae vario genere, adparentia.

Discrimina quibus ulcus venereum dignoscatur.

AD rem maxime esse videtur, signa et discrimina, quibus ulcus venereum a similibus malis dignoscatur, exponere. Primumque casus ancipites, qui, licet venerei

neri non sint, tamen curantes pro venereis facile fallere possunt, attingemus. E quibus,

GLANS colis, sine veneno venereo, et exulcerari potest, et aliquando exulceratur: Scilicet, ubi alicui rem cum muliere five sub menstruis five fluore albo laborante, quo tempore acerrimum est profluvium, forte habere contigit.

ITEM glandem abradare potest, vel concubitus cum muliere cujus vulva praeter solitum angusta est, vel materia sebacea, illic collecta, et morando acris reddita.

QUAE ulcuscula a venereis ita distingui possunt, quod in minimam altitudinem, latitudinem maximam, patent, inaequalis figurae sunt, et marginibus callofis, postremo albescentis in ima parte muci specie, carent. Nec minus certo dignoscuntur, quod vel sua sponte decedunt, ve adstringentium et detergentium remediorum usu brevi conglutinantur.

B

CONTRA,

CONTRA, cum, ut supra commemoratum est, ulcuscula venerea rotunda, aequalia, circumcirca callosa, alte sedeant, et aliquid muci albescentis instar in ima sede recondant; si talia in genitalibus adparent, quin venerea sint non erit dubitandi locus.

SED aliud ulcerum genus saepenumero guttur obsidet. Ea sunt quae in angina gangraenosa cernuntur, et putridae naturae cum sint, tamen venereis simillima fallunt. Ad quae a venereis distinguenda, notae comitantes considerandae sunt, et morborum genera, si qua per populum forte grassantur, aut anni tempus adfert, diligenter contemplandae. Itaque, si signa febrilia, si tumores majores per guttur et tonsillas latius serpsierunt, si ulcuscula magis in latitudinem quam altitudinem patent, et prae caeteris si putridae notae febres per multitudinem saeviunt; vix errabit, si quis talia ulcuscula venerea esse negaverit.

VERUM

VERUM per omnia haec discrimina, vel prudentissimum et acerrimi iudicii medicum falli posse, non est inficiandum; eoque magis, quod, dum alios pudor, alios religio, alios voluntas, sive insolita proloqui, sive culpas fateri, sive ea quae nolunt credere, prohibet, multis sane temporibus exprimi verum nequit. Quoties vero aegrotans rogatus bona fide respondet, ea demum res ante omnia discrimina medico, qualis sit morbus, patefaciet.

COGNITO tandem morbum venereum esse; proximum est, sitne a vetere an nova contagione profectus, anquirere, utpote cum idoneae curationis summopere interfit, quamdiu mali causa intus delituerit, exploratum habere. Nam, si vetusta labes fuerit, primo quoque tempore auxilio opus erit. Ergo,

Si ulcuscula fraenum aut carunculas myrtiformes occuparunt, si malae notae sunt, et rapide procedunt; e recente noxa orta sunt habenda. E contrario, quae pauca numero et mitia sunt, diuque ne-
que

que multum in melius neque in pejus inclinant, et praesertim, posteaquam discesserunt, rursus redeunt; scire licet, e labere vetusta venisse. Sed et hic quoque indicium candidi aegrotantis certissime ad verum ducet.

EVENTUS JUDICIUM.

ULCUSCULA venerea quae leniora sunt et rite curantur, raro sanatu difficilia sunt. Quae vero malae notae sunt, et multa numero inter se confunduntur, ea difficilius sanascunt; praesertim, ubi glandis et praeputii tumor cum phymosi aut paraphymosi supervenerunt. Difficillime omnium ad sanitatem perducuntur ea, quibus vesicae crystallinae et gangraenae periculum superadduntur.

ATTAMEN, ut ut sublato facilia hujusmodi ulcuscula sint, haud omittendum est, recente veneno nata, raro sanguine intacto decedere; ubi vero eadem antiquior labes fecit, hanc in sanguine latitare, indicio certo constat.

POSTREMO,

POSTREMO, non defunt horum ulcusculorum ad sanitatem, nullo adhibito mercurio, reductorum exempla *.

AD AFFECTUUM EXPLICATIO.

ULCUSCULA venerea, veneno venereo parti admoto, nascuntur. Nam in mulieris infectae concubitu, glans, praeputium, atque etiam tota coles, pure contagioso a vaginae ulcusculis profluente, infici periclitatur. Et e contrario, tota vagina ab ulcusculis colis, totam explorantis, in pari periculo versatur. Quae tamen ulcuscula, nisi in glande colis et praeputii parte interna, aut in vaginae partibus interioribus, raro observantur.

Item

* Amicus quidam meus et bona fide, nec ab arte nostra alienus, sese bis satis acria ulcuscula venerea, sola tepida lactis et aquae lavatione, in sese sustulisse, ac neque vini potatione neque exercitatione interea abstinuisse, perque multos annos secundissima, valetudine usum esse, haec mihi scribenti confirmat.

14 DE ULCUSCULIS VENEREIS.

Item chirurgi, quibus inter haec ulcuscula curanda digiti pure toti consperguntur, nisi his incisis forte, aut quomodocunque cuticula nudatis, labis omnis expertes evadunt. Unde disci potest, in cuticulam nostram, qualis in plerisque summi corporis locis est, venereum virus non posse integram transire. Partes vero quae veneni contactui maxime obijciuntur, ut glans, praeputium interius, item interior vagina, ob fabricam praecipue laborant, et ad labem recipiendam accommodantur. Nam in his partibus cuticula tenuissima et tenerissima est; eademque innumerabilibus vasis exilibus et exiguis instructae sunt. Vasa humorem sebaceum, ad partes vicinas lubricandas, assidue apertis osculis exhalant. Quae oscula, inter concumbendum, apertiora solito sint necesse est. Hinc aditus veneno, qua in vasa promanet, datur. Quo facto, et collapsis rursus hinc cole virili, illinc vulva muliebri,

bri, vasorum oscula iterum claudi, et venenum retinere, verisimile est.

JAMQUE in iis vasis conditum venenum eorum ora acri sua natura rodit, inflammat, suppurationem inducit. Et sic ulcuscula formantur.

ALIA causa, quare hae partes labem potissimum recipere putandae sunt, ex ulcusculorum, quae labes vetusta fecit, sede trahitur. Talia enim ulcuscula vel ipsas has partes vel fabrica consimiles, ut guttur, fauces, labia, et nasi membranam, semper fere occupant.

PARTE ita ut dictum est exulcerata, ejusdem inflammatio oritur. Quae rursus sanguinem et lympham majori versus se impetu et copia concitans, simul ulcusculorum ipsorum callus, sanguinis et humorum reditum prohibentia, ut vasa obstruantur, et intumescat pars, efficiunt. Cumque eadem vasa communia glandi et praeputio sint; quare alterius tumor ad alterum adeo facile perveniat, ratio in promptu erit. Itaque sive glandis

16. DE ULCUSCULIS VENEREIS.

dis vasa, ulcusculis illic fitis, magis obstruuntur; ea quoque inflammata magis intumescet. Contra, si impedimenta in praeputii vasis magis inciderunt, inflammatio et tumor ad praeputium magis pertinebunt.

Si sanguis, adstrictis venis et subsequentibus harum impedimentis, in minora vasa lymphifera cogitur; tumor generis phlegmonoidis erit.

Si lymphæ, compressis suis vasis, sola impeditur; tumor oedematofus nascetur.

Quod si eadem lymphæ stagnando, crassa et viscida durefcit, durus quoque tumor sequetur.

EIDEM stagnantis lymphæ duritie, duri quoque earundem partium quasi funiculi, et phymata, debentur. Tenuioribus nempe lymphæ partibus dissipatis, reliqua addensata durefcit *.

HIS paulo diutius durantibus, humor partium calore acer reddetur; crescentiaque

* Astruc.

iaque usque phymata dolores jaculantes creabunt: Fermentescensque mox humor, id acredinis adquireret, ut, perrosis vasis, viam sibi foras faciat. Atque sic cancer apertus formabitur.

POSTREMO, plurimae in his partibus papillae, veneno venereo inflammatae, majore mucii copia adfluyente replentur, durescunt, magnitudine crescunt, et verrucis venereis initium tandem faciunt.

HIS omnibus, qua potui, explicatis, ulcerum inguinalium ex ulcusculis ortorum, proxime, ratio sequitur.

EARUNDEM de quibus egimus partium vasa abforbentia, veneno venereo erosa et exesa, id recipiunt, et ad glandulas inguinales perferunt; ubi impedimenta prius, deinde tumores, creat. Sic enim, venenum ad eadem loca ab iisdem perferri, eo credibile est, quod superiores inguinis, quae lympham a naturalibus accipiunt, glandulas solas adit. Cumque alteras, quae ab imis artubus lympham accipiunt, idem non attingat; ea res, id non fan-

C

guinis

guine circumlatum, sed protinus, et recta via per vasa absorbentia, eo deferri, argumento est *. Et ob eandem causam, inguinum tumores, non a colis inflammatione vi nervosa per arterias eo decurrere credendum est.

PORRO, ubi inguinis glandulae non adeo obfarciuntur, ut veneni per vasa absorbentia ulteriorem transitum prohibeant; hoc ad ductum thoracicum perferri, et universo sanguine misceri, potest.

SAEPE alterum inguen solummodo vitatur; quod eo forsitan fit, quia ulcuscula venerea ad ejus lateris vasa sola attineant.

UBI virus non in eam altitudinem forsitan descendit, ut absorbentibus vasis noceat, vel copia humoris profluentis aufertur; tum ulcuscula, tanquam partis solum vitium, intacto sanguine, sanabilia sunt.

CONTRA, si virus adeo dilutum est, ut glandulas inguinis, quasi obicem oppositas,

* Monr. pract. anat.

positas, libere, neque vasis infarctis, transeat ; protinus in sanguinem, neque ulcere relicto, neque signo ullo dato, prodibit.

ULCERA gutturis, et alia luis consummatae signa, eo fiunt, quia virus venereum cum universo sanguine penitus commixtum est. Eas autem sedes occupat, quia earum fabrica talis est, ut huiusmodi noxam potissimum recipiat, et ab eadem contaminetur.

QUAE vero veneni venerei natura sit, quove modo humores nostros ita adficiat, ut sua edat effecta, nihil certi aut explorati experimenta adhuc docent. Solumque constat, hanc ei cum aliis humoribus contagiosis communem esse proprietatem, ut humores nostros in suam vertat naturam ; atque ita pro fermento agens, et vehementia ac saevitia usque crescens, donec corrigitur aut corpore prorsus expellitur, recentia semper et pejora mala gignat.

CUM

CUM non solum morbis praesentibus mederi, sed et venturis occurrere, boni medici sit; priusquam curandi rationem adgrediar, haud alienum a proposito erit, quasdam rationes, quibus in impuro coitu veneni venerei noxa prohibeatur, et dirum in primis saepe malum avertatur, proponere.

MULTA sane medicamenta extrinsecus admovenda; nam nihil intus acceptum quicquid agere speratum est, certa et nunquam spem fallentia futurae contagionis remedia, miro hominum studio jactata sunt. Quorum tamen omnium, si eventu judicandum est, nullum certo optatum finem contigit; neque repertum quicquam adhuc est, quod, explorata reque cognita virtute, Veneris sive castra sequentibus, sive signa ferentibus, commodi tantum praestet. Verum licet proprium et perpetuum nullum hujusmodi bonum inveniri sit, tamen, cum quaedam, si non semper, saepe ad sententiam procedant, et, ut aliquando contagioni, alioquin

alioquin incasurae, occurrant; ita plerumque hanc, ubi incidit, mitiorem et leniorem, et morbum sanatu faciliorem, reddant; de iis loqui pergam.

PRIUS vero quam medicamenta attin- gam, tempus et rationem quibus admo- venda sint, considerandum est.

TEMPUS admovendi medicamenta duplex est; ante et post concubitum.

RATIO admovendi ad duo consilia re- dit: Primum est, venenum ne partes op- portunas attingat, curare. Aut, si jam eas attigit, alterum consilium est, ne illis noceat, aut morbum excitet, qua abluen- do, qua corrigendo, cavere.

QUOD ad primum consilium attinet; aggredienda res est, partes oleosa aut pingui aliqua re inungendo; hac, scili- cet, spe ut foramina virus recipientia oc- cludantur, et illud introitu prohibeant. Quod si idem unguento mercuriali ten- tabitur; spes praeterea veneni corrigendi dabitur.

SECUNDUM

SECUNDUM consilium iis rebus perficitur, quae mucum aut humorem sebaceum dissolvendi, auferendi, aut profluentem percitandi, potestatem habent. Talis ipsa urina est. Neque praeter urinam, eandem spem non promittit lenis alkali caustici, aut etiam saponis, solutio; ubi oleo rodentem alkali naturam leniendi copia datur. Post quod usui etiam est sacchari saturni in aqua roris marini solutio mitis, aut unguento mercuriali partes suspectas inungere. Supra dictis addendum est, hanc secundam curandi partem, quo maturius post amplexum, quoque diligentius et saepius modo memorata adhibeantur, eo magis efficacem et eventus certiore futuram.

ATQUE haec omnia eo majore cum cura adgredienda et perficienda sunt, quo major, ut supra praemonitum est, spes datur morbo, adhibitis iis, saepe occurri posse. Cum vero dubium non sit, quin, ut morbum non prohibeant, tamen, et copia et saevitie veneni imminutis, illum
postea

postea leniorem et sublato faciliorem reddant; ita hoc etiam nomine non est tantilli laboris, proposito praemio, poenitendum.

C U R A T I O

IN curatione eundem, quem haecenus, ordinem observabo: Primumque de ulcusculis venereis quae recentiora sint curandis; postea de saevioribus et effectibus eorum, item aliis ulcusculis et vetusta noxa pendentibus, verba faciam.

ULCUSCULORUM RECENTIUM,

AD ulcusculis quae veneno nuper recepto nata sunt medendum, triplex consilium reputanti mihi ad animum accurrit: Primum ulcusculorum calorem, dolorem et inflammationem levare; tum virus quod sanguine receptum esse possit, mutare, corrigere, aut corpore denique

que ejicere ; postremo, primo ipsa ulcuscula bluerè, detergere, et purgare ; secundo, callum eadem ambientem mollire, denique cicatricem bonam inducere, et vulnera conglutinare.

UT ad primum redeam medendi consilium ; inflammationem et ejus effecta cum calore dolorem, si homo plenior corpore est, sanguinis, incisa vena majore, detractio sublevat. Si minus plenus est, ex ipsa aegra parte, sanguis sola, ut nonnullis placet, mittendus est. Neque in quolibet habitu hæc sanguinis demendi ratio non illi longe praeestet ; utpote cum in omni inflammatione perpetuum hoc sit, ut, quo propius inflammationis sedem sanguis auferatur, eo plus pariat levaminis. Eidem consilio, leniter refrigerantia, alvum solventia, ipsi loco laboranti quaedam admota, ut fomenta calida, cataplasmata, et suspensa coles, accommodantur.

SECUNDUM consilium mercurio, de quo plenius postea verba fient, perficitur.

AD

Ad primam tertii partem, nam in tres partes supra divisum est, confert lactis et aquae conjunctae lavatio. Quae, quia parum ad mucum abluendum valet; ideo vitrioli caerulei aut sacchari faturni, vel praecipitati rubri, cum unguento basilico flavo conjuncti, solutione leni opus erit. Quibus tamen omnibus efficacius est, et ad ulcuscula detergenda, et eorundem callosam marginem molliendam, calomel ulcusculo adpersum, aut hoc cinnaberis fumo subjectum, et postea sicco lino contactum. Quod si his quoque mala ulcusculorum natura resistit; tum vitriolo caeruleo, aut etiam lapide infernali, tangenda sunt. Quae tamen, nisi parce et caute, non sunt tractanda; periculosus enim est talium escharoticorum usus temerarius. Postremo, cum ulcuscula jam bonam carnem reparare incipient, linimento Arcaei aut cerato vulgari perfici curationem oportebit.

ULCUSCULORUM SÆVORUM,

UBI ulcuscula pertinacia, et inflammatio magna, sunt, jamque phymoses vel paraphymoses supervenerunt; hæc oriuntur consilia: Primum, inflammationem et tensionem partium imminuere, et tumores dissolvere, conari. Aut, si hoc fieri nequierit, tum gangraenae venienti occurrere, vel, si advenit, eam suppressere, aut partem demum delere.

AD primum horum consiliorum, est sanguinis, et e venis majoribus, et e parvulis partis adfectæ, crebra missione opus; item mollientibus et antiphlogisticis clysteribus, solventibus et refrigerantibus fomentis, cataplasmatibus continuatis, et corpore reclinato. Antiphlogistica quoque ore sumenda; omnia escharotica et stimulantia medicamenta procul fugienda sunt.

SI phymosis est, diluta sacchari saturni in aqua rosarum solutio subter præputium immittatur;

immittatur; idemque hoc aqua tepida, cui lactis paululum adjectum fit, cicbro lavetur. Contra paraphymosin, ulcuscula abluta, ut ante praeceptum est, detergantur, praeputii rugae cum cura explicentur et purgentur, eaeque partes quam maxime ab urina defendantur.

QUOD si forte tumor et inflammatio remiserint, praeputium ad pristinam molitiam, solventibus et discutientibus auxiliis, restituatur. Eodem, ubi multum jam illa imminuta fuerint, leniter reducto, ulcuscula infra, pari ac ante ratione, conglutinentur. In paraphymosi, praeputium, ubi satis jam remollescit, super glandem traductum bene ablutum foveatur.

QUIBUS auxiliis si vis mali parum cesserit, ad cultrum decurrendum est. Et in phymosi, praeputium ab utroque latere, nam in summo magna vasa vitanda sunt, dividendum: In paraphymosi, transversim rugae concidendae. Quo facto, vulnera solito more conglutinanda.

Si

Si crySTALLINAE vesiculae sunt, iis incisiss lympham emittenda est; imaeque illae abluendae. Iisdem si livor subest, caro concidenda, spirituque vinoso camphorato lavandum.

Cui rerum faciei si vera gangraena supervenerit, insana a sanis separentur, et eodem, quo in gangraena fieri solet, more tractentur.

EADEM curatio muliebribus aequae ac virilibus convenit naturalibus, nisi ubi diversam paulo, horum conformationis diversitas, requirit.

EXCRESCENTIUM,

OMNIA venerea excrefcentia sub eodem capite recte comprehendere videor; siquidem eadem consilia medendi omnibus fere accommodantur. Ea vero tria sunt: Primum, excrefcentia resolvendo tollere; tum, ne in caneros vertantur, curare, aut jam versa, ut malum alioquin immedicabile, cultro recidere; postremo, cum ipsa haec excrefcentia plus labis venereae
in

in corpore latitare indicent, id corpore expellere aut corrigere.

AD primum consilium respondent discutientia, quae dicuntur. Hujusmodi sunt unguentum mercuriale, calomel, praecipitatus ruber, aut fumi cinnaberis. Quibus si resistunt, vitriolo caeruleo aut lapide infernali tangantur.

UT ad secundum consilium transeat, si in caneros excrefcentia degenerare videntur; his medicamentis omissis, ad leniter antiplogistica resolventia deveniendum est. Simul ea quae acrem sanguinis habitum corrigant, et blandiorem ei naturam impertiant, intus dare utile est.

QUOD si cancer jam manifesto natus est, eum nulla mora cultro recidendi sit necessitas.

TUMORUM INGUINALIUM CUM INFLAMMATIONE,

TUMORES inguinales, ut ulcusculorum de quibus locutus sum effecta, proxime sunt tractandi. Adversus quae haec tria consilia surgunt; primum, ulcera repellere

pellere atque resolvere ; tum ad suppurationem perducta cultro aperire ; postremo, virus, quod inde in sanguinem forte tranfierit, corpore ejicere aut corrigere.

QUORUM consiliorum duo priora multis argumentis commendata sunt. Quibus omiſſis, rationem curandi in utraque exponam.

PRIMUM, resolventia, quae perperam discutientia vocantur, super ipsum inguinis tumorem admota, requirit. Hujusmodi sunt unguentum mercuriale forte, magna copia et bene inunctum ; cataplasmata, quibus saccharum saturni adjectum sit ; sanguis tum e magnis venis, tum e parvis loci tumentis vasis detractus ; postremo, cathartica quae generis anti-phlogistici, seu inflammationi resistentis, sint. Quae si mature admota sunt, plerumque ad votum respondent.

CONTRA, si frustra fuerint ; secundum exequendum erit consilium. Cui lautus victus, sive ciborum sive potionum genus respicis, et cataplasmata suppurationem

tionem adjuvantia, aptantur. Quorum usu, pure jam facto, non prius desistendum est, quam totam glandulam duram suppuratio tenuerit. Quo facto, tumor vel cultro vel causticis aperiendus est. E quibus posteriora praestare videntur; cum et humori liberius exeundi potestatem faciant, et, quo minus margines callosae fiant, prohibeant.

JAMQUE aperto ulcere, liber puris exitus servandus, vulnusque, si qui sinus forte subsint, altius explorandum est. Si hi minores erunt, immixtis liquoribus purgentur, et, ut pus suum emittant, curetur: Si majores, prius nulla sanitatis spes reliqua est, quam cultro aperti omnem intus humorem profundant.

Si bonus corporis habitus est, solito more vulnus conglutinatum sanascet.

CONTRA, si pervicax et marginibus callosum esse incipit, detergendum est, et sublimati corrosivi solutione lavandum: Vel calomel aut praecipitatus ruber supra partem conspergenda, aut cinnaberis
fumi

fumi admovendi, sunt. Quibus si parum callus movetur, vulnusque occallere magis incipit; tum lapide infernali id totum contingendum est. Hic quoque cortex Peruvianus, magna copia datus, multum prodesse solet, neque mercurii usum impedit.

POSTREMO, ubi bona caro regenerari incipit, ad eam rem pulvis lapidis calaminaris, myrrha et linimentum Arcaei, auxilio sunt.

ULCERUM INGUINALIUM OEDEMATOSORUM AUT DURORUM.

SI supra praeceptis medicinis oedematosa aut dura ulcera inguinalia neque solvi neque suppurari potuerint; nucleum, modo ne fixus sit, delere, optimum factum est. Quod escharoticis quam cultro fieri praestat. Sic enim minus vasa vulnerandi periculum est, et sanascendi spes major. Quam utique rationem si aegrotans pati nolet; ne cancer subnascatur, proxima erit cura.

QUOD

Quod ad novissimum medendi consilium attinet ; labes in corpore latitans corpore ejicienda aut corrigenda mercurii usu est. Is vero a primo ulceris venientis conspectu dari debet ; siquidem et communem curationem maturat, et propriam non impedit. Cum autem labis sanguine latentis, et hunc insufficientis, certissimum indicium gutturis ulcera peragant ; ab iis incipiens, de iis ita verba faciam, ut labem sanguineam, eorum certam originem, solam comprehendam ; et si qui adfectus singulares ab eadem labe pendent, eos, utpote de quibus aut jam satis peroratum sit, quive a nostro proposito alieni sint, omnes praetermittam.

ULCERUM GUTTURIS.

ULCERIBUS guttur obsidentibus medendi duo sunt consilia. Primum idem est quod adversus naturalium ulcera propositum est, et iisdem remediis perfici-

E tur.

tur. Secundum consilium, virus venereum, jam manifesto sanguine receptum, corpore ejiciendum aut corrigendum, ponit.

HUIC cum mercurius solus respondeat, et solus efficax adversus veneream noxam sit repertus, ita de solo loquendum censeo. Ideo plenius hic utendi mercurii rationem, primumque quantum dandum sit, dein qua ratione paratum, exponam.

LABEM veneream sanguinem corrumpentem inde, aequae sine salivatione ac cum ea, ejici aut corrigi, jam inter omnes convenit, ut nihil magis constet. Cumque praeterea salivatio et molestiae et periculi plurimum habeat, dubium non est, quin jure repudianda sit. Dandus igitur eo usque mercurius est, donec aeneus ore sapor sentiatur, gingivae adficiantur, et saliva leniter profluat. Quo facto, saliva non amplius movenda, et medicina, excretionum alia aliqua concitata, e corpore est purganda.

QUOD

QUOD ad rationem parandi attinet, intus quae assumuntur unguento antecellunt. Sic enim, quantum corpore recipiatur, dijudicatu facilius est. E formis vero quae intus accipiuntur, eae quae et lenissimae sunt, et potenter tamen agunt, potissimum deligantur. Hujusmodi est mercurius mucilagine aut melle lenitus, et in pilularum formam confectus.

SI is ore alicui acceptus, nimis in intestina ruens, cum dejectionibus corpore ejicitur; ei opiata conjungantur. Quod, si neque ea ejus per alvum exitui occurrunt, tum ad unguentum necessario decurritur. Cui tamen magna cum cura insistendum est.

QUOTIES ulcera non ita gravia sunt ut aliquid secus minitentur, neque ea protinus conglutinandi subfit necessitas; optimum factu est ea munda gargarizando servare, et mercurium, dum illa sanascant, dare non desistere. Sic enim certis esse licet, sanatis ulceribus nihil noxae in toto corpore superesse.

SI,

SI, ut nonnunquam factum est, mercurius solus ulcera non sustulerit, lignorum praeparationes, praeque caeteris sarsaparilla, assidue bibantur. Item, cortex Peruvianus, praesertim in habitibus scorbuticis, adversus veneream noxam efficax repertus est.

ABSOLUTA, quantum in medicamentis est, morbi curatione, qualis victus esse, quoque modo intersupra memoratas medicinas se gerere, aegrotans, debeat, paucis commonstrare haud alienum videtur.

OLIM accuratissime se curare, et severas sequi leges, infecti sunt coacti. Verum, intra paucos annos medentes de molesta illa severitate multum remiserunt. Jamque inter plerosque et optimos sive medicos sive chirurgos, nam in utrorumque manibus, et modo in horum, modo in illorum, pro aliorum aegrotantium alio arbitrio, res est, convenit, solitum vitae genus alias non esse mutandum, nisi ut aromatibus, cibis conditis, et vini spirituumve

tuumve multo, demptis inguinum ulceribus suppuraturis quae hunc ipsum victum quam maxime requirunt, sit abstinentum; victui lacteo, jusculis, et carnibus quae materiae levioris sint, potissimum insistendum; calori corporis mediocri, hybernis diebus cubiculo mediocriter calefacto, consulendum: Postremo, aër nocturnus, et omnes subitae tempestatum et coeli temperiei vicissitudines aestate sint vitandae. Quibus praeceptis, minime arduis, qui paruerit, is morbi vi et mercurii actione minus debilitabitur, citiusque ad pristinum robur, et valetudinis integritatem, restituetur.

QUAM quo certius recuperet, sublato quamvis morbo, victus tamen quam maxime alens lenisque, item Cortex Peruvianus, aquae chalybeatae, exercitatio, et aëris mutatio, quaerenda.

F I N I S.

